



Broj: 27/03-34-8330-1/24
Sarajevo, 11.03.2024. godine

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), člana 7. Pravilnika o utvrđivanju postupka imenovanja i razrješenja članova Savjeta ministarstva za visoko obrazovanje Kantona Sarajevo („Službene novine Kantona Sarajevo“, br.: 13/23 i 25/23), a u vezi sa članom 18. Zakona o visokom obrazovanju („Službene novine Kantona Sarajevo“, broj: 36/22), ministrica za nauku, visoko obrazovanje i mlade raspisuje

JAVNI OGLAS
ZA IMENOVANJE ČLANOVA SAVJETA MINISTARSTVA
ZA VISOKO OBRAZOVANJE KANTONA SARAJEVO
(ispred Ministarstva za nauku, visoko obrazovanje i mlade Kantona Sarajevo)

Imenovanje članova Savjeta ministarstva za visoko obrazovanje Kantona Sarajevo se vrši za sljedeće pozicije:

- član Savjeta ministarstva za visoko obrazovanje Kantona Sarajevo, predstavnik Ministarstva za nauku, visoko obrazovanje i mlade Kantona Sarajevo 2 izvršioca

Opći uslovi

Za člana Savjeta ministarstva za visoko obrazovanje Kantona Sarajevo može biti izabran, odnosno imenovan kandidat koji ispunjava opće uslove:

- a) da je državljanin Bosne i Hercegovine;
- b) da je stariji od 18 godina;
- c) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od prethodne tri godine od dana objavljivanja konkursa;
- d) da se na tog kandidata ne odnosi član IX 1. Ustava Bosne i Hercegovine;
- e) da nije osuđivan za krivično djelo ili za privredni prestup;
- f) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine („Službene novine Federacije BiH“, broj: 70/08), člana rukovodnih organa političkih stranaka, član upravnog odbora ili rukovodilac visokoškolske ustanove.

Posebni uslovi

Pored općih uslova, kandidat koji se nominira/imenuje za poziciju člana Savjeta ministarstva za visoko obrazovanje Kantona Sarajevo, treba da ispunjava i sljedeće posebne uslove:

- a) da posjeduje najmanje univerzitetsku diplomu, VII stepen stručne spreme za kandidate koji su visoku stručnu spremu stekli po predbolonjskom sistemu studija, odnosno diplomu drugog ciklusa studija za kandidate koji su visoku stručnu spremu stekli po bolonjskom sistemu studija;
- b) najmanje pet (5) godina radnog staža u struci nakon sticanja diplome;



- c) da nije u radnom odnosu na visokoškolskoj ustanovi registrovanoj na području Kantona Sarajevo, ili da se ne nalazi u situaciji ili odnosu koji predstavlja sukob interesa;
- d) da nije u radnom odnosu ili da nije uključen u realizaciju nastavnog procesa ili angažovan po nekom drugom osnovu na visokoškolskoj ustanovi registrovanoj na području Kantona Sarajevo.

Nadležnost i mandat Savjeta ministarstva za visoko obrazovanje Kantona Sarajevo

Nadležnost Savjeta ministarstva za visoko obrazovanje Kantona Sarajevo utvrđena je Zakonom o visokom obrazovanju („Službene novine Kantona Sarajevo“, broj: 36/22) i Pravilnikom o utvrđivanju postupka imenovanja i razrješenja članova Savjeta ministarstva za visoko obrazovanje Kantona Sarajevo („Službene novine Kantona Sarajevo“, br.: 13/23 i 25/23). Član Savjeta se imenuje na mandatni period od dvije godine.

Prijava na javni oglas

Prilikom apliciranja na javni oglas kandidati su obavezni dostaviti:

1. prijavni obrazac SM-1/24;
2. univerzitetsku diplomu;
3. uvjerenje o državljanstvu (ne starije od šest mjeseci od dana objavljivanja Javnog oglasa);
4. rodni list;
5. potvrdu/uvjerenje o radnom stažu u struci;
6. potpisan i ovjeren obrazac SM-2/24 od strane nadležne općinske službe ili notara kojom kandidat potvrđuje:
 - a) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od prethodne tri godine od dana objavljivanja oglasa;
 - b) da se na tog kandidata ne odnosi član IX 1. Ustava Bosne i Hercegovine;
 - c) da nije osuđivan za krivično djelo ili za privredni prestup;
 - d) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine („Službene novine Federacije BiH“, broj: 70/08), član rukovodnih organa političkih stranaka, član upravnog odbora ili rukovodilac visokoškolske ustanove;
 - e) da nije u radnom odnosu na visokoškolskoj ustanovi registrovanoj na području Kantona Sarajevo, ili da se ne nalazi u situaciji ili odnosu koji predstavlja sukob interesa;
 - f) da nije u radnom odnosu ili da nije uključen u realizaciju nastavnog procesa ili angažovan po nekom drugom osnovu na visokoškolskoj ustanovi registrovanoj na području Kantona Sarajevo.

Obrasce SM-1/24 i SM-2/24 kandidati mogu preuzeti sa web stranice Ministarstva za nauku, visoko obrazovanje i mlade Kantona Sarajevo.

Sve dokumente tražene Javnim oglasom potrebno je dostaviti u originalu ili ovjerenoj fotokopiji. Postupak izbora i imenovanja obavlja se u skladu sa odredbama Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br.: 12/03, 34/03 i 65/13). Za prijavu na ovaj javni oglas, nije predviđen posebni prijavni obrazac. Svi kandidati sa preliminarne liste pozivaju se na intervju.

Javni oglas se objavljuje u „Službenim novinama Federacije BiH“ i na interent stranici Ministarstva za nauku, visoko obrazovanje i mlade Kantona Sarajevo, a obavještenje o Javnom oglasu u jednom dnevnom listu.



Javni oglas ostaje otvoren otvoren petnaest (15) dana od dana posljednjeg javnog objavljivanja.

Prijave sa potrebnom dokumentacijom dostavljaju se lično ili poštom na adresu: Ministarstvo za nauku, visoko obrazovanje i mlade Kantona Sarajevo Sarajevo, ul. Reisa Džemaludina Čauševića 1, sa naznakom: „**Prijava na Javni oglas za imenovanje članova Savjeta ministarstva za visoko obrazovanje Kantona Sarajevo (ispred Ministarstva za nauku, visoko obrazovanje i mlade Kantona Sarajevo). Ne otvaraj! Otvara komisija.**“

Nepotpune, neblagovremene i neuredne prijave neće biti razmatrane.

MINISTRICA

Prof. dr. Adna Mesihović s.r.